

Zeitschrift: Annalas da la Societad Retorumantscha
Herausgeber: Societad Retorumantscha
Band: 11 (1897)

Artikel: Ün Nuschè !
Autor: Mathis, G.
DOI: <https://doi.org/10.5169/seals-181210>

Nutzungsbedingungen

Die ETH-Bibliothek ist die Anbieterin der digitalisierten Zeitschriften. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. [Siehe Rechtliche Hinweise.](#)

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. [Voir Informations légales.](#)

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. [See Legal notice.](#)

Download PDF: 05.05.2025

ETH-Bibliothek Zürich, E-Periodica, <https://www.e-periodica.ch>

ÛN NUSCHÈ!

Ûn di' na giazz' üna nuspina
Sün ün vegl dschember as tschernit,
Cols dutschs nuschels fet sa cruschina,
Be ün laschet, quel sepulit!

As dschand: damaun per la bucheda,
Al chaver sü vegn poi darcho;
Ma d' sieus pittins fich fatschendeda
Ell' il nuschè ho lo smancho.

Sün quel il Segner fet eir plover,
D' la granda glüsch al fet s' choder;
'L minzin nel crös comanzet' s mover
Sfender, sortir e dschermüglier!

'Na buna mamm' avet d' el chüra,
Ûn zart dschembrin dvantet' l minzin,
Schi! buna mamma est natüra,
In tuot' ns fest vair il maun divin!

Mez secul zieva, già trand razza,
Vaiv' el nuspinas eir sün cho;
Ils abiedis della giazza
Da sieus nuschels haun eir zuppo!

Con ir del temp il nuschè s' vaiva,
In ün ot dschember transformo;
Figls, abiedis l' inturaivan
Da prüm, seguond fin a quart gro!

Gia tschinch-tschient ans' vaiv' n sün sa ramma
Utschels nombrus lur gnies zuppo,
Chanto d' algrezeh', amur lur flamma,
Umauns nuspinas eir ravo!

Gia tschinch-tschient voutas l' inviern' vaiva
Sieus rams da naiv e glatsch covert;
'S vzand reverdir la prümavaira,
Dschaiv' la: nun mour mê sgür e tschert!

E pür il pais, il vent, l' orizzi
Pü d' ün d' sieus rams vaiv' n fat cruder,
E qu' eira bain ün cler indizzi,
Ch' el eir la mort stuaiv' spetter.

La mort eir gnit; la sgür crudella
Ün di la plaunta ho tacho;
Allur' sentit' la ch' eir per ella
Il di fatal eir' arrivo!

Ed ogni cuolp d' vair' assassina
Trembler la faiv' la vila sgür;
Perfin cruder da sa manzina
Sieu ultim früt, d' utuon madür.

Ella crudet, e sieus addieus
Füttan sospirs, gemits e plaunts;
Sieu ultim plaunt dschet aunch' als sieus:
Sco eau, ün di crudais, infaunts!

Haun plaunt bös'chins, ch' ella covriva
Daspö naschieus d' sieus bratschs benigns,
Paros l' inviern, d' sted a sumbriva
'S chattaivan bain eir larschs e pins.

Eir bös'chs da razza, na d' nuschella,
'Vaiv' la protet, eir bass frus-chers,
Sco füssan sieus, perche per ella
Eir' ls bass plazzos eiran sieus frers.

Grand vöd laschet la nona-tatta,
Als sieus, a tuots in sieu löet;
Per legers que di füt trista datta;
Ma' l temp smancher fo led, regret.

Resged' in assas füt la plaunta;
Quel chi cruder, perir la fet
Murit eir el d' malatia launta,
Laschet als sieus eir vöd, regret.

Güst d' quellas assas construieu
Füt il vaschè pel trapasso;
Sieu corp con quellas sepulieu,
Sieu spiert tiers Dieu turnet darcho.

E sco la plaunta l' umaun passa,
E d' sem-dschemügl dad ün nuschè
Ais creschieu' l dschember, dal quèl l' assa
Eir servirò per nos vaschè!

Ma in noss cours' l Suprem implaunta
Il sem-dschemügl d' sieu fled divin!
La saimper-verda, sencha plaunta
Amur! Etern ais sieu destin!

Giov. Mathis.

N A D E L

(1892).

Duos povers orfnins giaivan,
La saira da Nadel,
Sulets per via, cridaivan,
Guardand sü vers il tschel!

Sper ün palaz passettan;
Udind lo chaunt d' dalet,
Els ün momaint' s sfermettan;
La sour al frerin dschet: